

REGULAMENTO DE FUNCIONAMENTO DO PUNTO LIMPO DE CERCEDA

Artigo 1. Definición

O Punto Limpo de Cerceda enclávase no Acevedo. É unha instalación onde se reciben, previamente seleccionados, certos tipos de residuos domésticos, que pola súa natureza non son obxecto habitual do servizo ordinario de recollida de residuos urbanos. Constitúe, por tanto, un sistema de recollida selectiva, sendo un centro de recepción, de almacenaxe, de selección e de valoración de residuos municipais que non teñen canalización de recollida diaria, nin domiciliaria.

Hai que ter claro que non se trata dun vertedoiro, senón dun lugar onde se almacenan temporalmente os residuos, para ser posteriormente trasladados a outros lugares a través de transportistas e xestores autorizados

As características do Punto Limpo de Cerceda son as seguintes:

- Atópase localizado nas proximidades do núcleo urbano con boas posibilidades de comunicación e de fácil acceso para vehículos particulares e camións. Conta con abastecemento de auga e de enerxía eléctrica.
- A distribución interna é a seguinte: zona para acceso dos vehículos particulares e camións de retirada de residuos, oficina, zona de grandes colectores e zona cuberta de colectores pequenos.

Artigo 2. Obxectivos

O sistema de recollida a través do Punto Limpo responde a varios obxectivos:

- O obxectivo fundamental é servir a cidadanía como centro de achega voluntaria para a recollida selectiva dos residuos producidos no ámbito domiciliario.
- Evitar a vertedura incontrolada dos residuos de gran tamaño (escombros e residuos voluminosos como mobles ou electrodomésticos) que non poden ser eliminados por medio dos servizos convencionais de recolla de lixo.
- Aproveitar aqueles materiais contidos nos residuos urbanos que poden ser reciclados directamente, e conseguir con iso un aforro en materias primas e de enerxía, así como unha cantidade de residuos que é necesario tratar e/ou eliminar.
- Separar os residuos perigosos que se xeran nos fogares, cuxa eliminación conxunta co resto do lixo urbano ou mediante a vertedura á rede de saneamento supón un risco para os operarios destes servizos, pode danar as instalacións de tratamento ou eliminación e contribúe á contaminación do medio ambiente.
- Crear unha conciencia de selección e de recuperación dos nosos propios residuos.

Artigo 3. Ámbito de aplicación

O Punto Limpo de Cerceda sitúase no Parque Industrial do Acevedo. Os preceptos do presente regulamento son de aplicación ao Punto Limpo, ás súas instalacións, elementos e mobiliario.

Artigo 4. Servizos que presta o Punto Limpo

Os servizos e medios do Punto Limpo son os que a continuación se citan:

- Recibir residuos previamente clasificados pola persoa usuaria, para o seu posterior transporte aos lugares axeitados para tratalos.

- Informar as persoas usuarios sobre a actividade do Punto Limpo: residuos aceptados, cantidades, horarios...
- Controlar os residuos que se depositan.
- Elaborar estatísticas sobre o uso das instalacións.
- Manter e xestionar as instalacións pertencentes ao Punto Limpo.

Artigo 5. Residuos admisibles e non admisibles

Establécense estes termos co obxecto de facilitar un mellor coñecemento do que é o Punto Limpo, mais debe terse sempre presente que o seu obxectivo é proporcionar un servizo aos domicilios e aos pequenos xeradores deste residuos, e en ningún caso ás actividades industriais. Para o adecuado funcionamento do Punto Limpo será necesaria unha admisión correcta dos residuos, de forma que non se produza unha almacenaxe de residuos non aceptados no Punto Limpo. Todos os residuos que non se especifiquen como admisibles neste regulamento serán rexeitados e será obriga da persoa usuaria a súa xestión. A/o operaria/o poderá non aceptar a recollida dun residuo cando este non sexa considerado admisible polos servizos técnicos municipais.

Estas restricións establécense debido a que o Punto Limpo é para uso exclusivo da cidadanía e non é apto para os usos das industrias nin grandes xeradores de residuos.

Os residuos deben estar perfectamente separados, nunca mesturados. Non se poderá depositar residuos considerados perigosos como os procedentes dos hospitais, nin animais mortos, obxectos non identificados ou pneumáticos

Os produtos inertes pódense depositar ata un peso máximo de 100 kg por entrega e día. Os residuos tóxicos e perigosos pódense depositar ata un máximo de 10 kg por entrega e día, incluíndo os envases.

Residuos admisibles, serán residuos admisibles no Punto Limpo os sinalados a continuación:

Residuos admisibles no Punto Limpo	
Banais	Vidro Papel (iglú) Cartón (iglú) Bricks, latas, envases Madeira Metais: aluminio, ferro, cobre, bronce, aceiro inoxidable, etc. Plásticos Téxtil
Voluminosos	Electrodomésticos Enseres, mobles, colchóns, somieres, caixas portas e marcos, etc. Escombros inertes de obra
Tóxicos e perigosos	Aceites vexetais domiciliarios e aceites de cociña Baterías de automóbil

	Disolventes Pilas Sprays / aerosois Radiografías Tubos fluorescentes Pinturas
--	--

Residuos non admisibles, serán residuos non admisibles no Punto Limpo os sinalados a continuación:

Residuos non admisibles no Punto Limpo
Materiais sen clasificar Materia orgánica Residuos infecciosos, clínicos, biosanitarios ou citotóxicos Residuos radioactivos.(Pararraios...) Residuos industriais de grandes e medianas empresas: as grandes e medianas empresas xa teñen establecido un sistema correcto de xestión dos residuos que producen. Residuos agrícolas ou gandeiros Residuos xerados por actividades mineiras ou extractivas Produtos procedentes de comisos Medicamentos ou os seus envases Recipientes voluminosos metálicos ou plásticos de aproximadamente 25 litros ou superiores que contivesen produtos tóxicos ou perigosos Calquera outro residuo que non sexa facilmente identificable e clasificable na categoría de admisible

Artigo 6. Persoas usuarias do punto limpo

É destinataria do Punto Limpo toda a cidadanía que queira depositar os seus residuos domiciliarios de forma selectiva, conforme ao establecido nos artigos do presente regulamento. O Punto Limpo é un servizo para a cidadanía residente no Concello de Cerceda e está deseñado para asimilar residuos procedentes de particulares, non residuos industriais de grandes e medianas empresas.

O Punto Limpo estará a disposición da cidadanía que acheguen volumes de residuos que non superen os valores prefixados.

Queda terminantemente prohibido fumar nas instalacións do Punto Limpo.

Artigo 7. Proceso de aceptación dos residuos

Antes de depositar o residuo ou os residuos, cada persoa usuaria deberá declarar no posto de control o contido do que quere entregar, co fin de realizar un control de orientación de vertido e estatístico. A persoa responsable do centro, tendo en conta a carga declarada e a listaxe de residuos admisibles,

indicará se se acepta ou se se rexeitan. As persoas usuarias do Punto Limpo deberán seguir as indicacións da persoa operaria do centro.

Os transportistas que realicen os portes dos residuos deberán seguir as indicacións da persoa operaria do centro, que supervisará os seus labores e recibirá un certificado de que realizaron a recollida dos diferentes residuos e que teñen a licenza para realizar ese traballo.

No Punto Limpo só se poden depositar os residuos mencionados no artigo 5. No caso de ser outros, o seu depósito deberá solicitarse no Concello.

A persoa encargada do Punto Limpo supervisará as operacións de depósito dos residuos para comprobar que se depositan de forma axeitada e non se encontran mesturados con residuos tóxicos e perigosos. Tamén se efectuará unha inspección sistemática e visual en todos aqueles colectores de residuos líquidos.

No caso de resultar que non se efectuase a recollida, se a persoa usuaria solicitase un lugar de depósito ou tratamento, o Concello poderá recomendar algún.

Os residuos depositados no Punto Limpo pasarán a ser propiedade do Concello de Cerceda.

Artigo 8. Rexistro

O Concello de Cerceda creará un rexistro de entrada no Punto Limpo. Todas as operacións de depósito de residuos no punto Limpo serán rexistradas obrigatoriamente. O rexistro estará composto de fichas persoais que se cubrirán cada vez que unha persoa usuaria realice un depósito no Punto Limpo. Cada ficha será para cada persoa e para cada residuo. Así unha persoa que deposite dous residuos distintos cubrirá dúas fichas de depósito.

Deberanse cubrir os datos persoais da persoa usuaria, os datos referentes o residuo entregado, e a/o operaria/o do Punto Limpo asinará cada ficha de recollida.

Cos datos das fichas establecerase o rexistro de entrada, útil para o control e xestión do Punto Limpo.

Artigo 9. Horario do punto limpo

O Punto Limpo cubrirá un servizo de recollida conforme a un horario prefixado que se porá en coñecemento de todas as persoas usuarias polos medios oportunos.

Nos carteis ou paneis indicadores reflectirase de forma clara o horario de apertura e peche.

Artigo 10. Destino final dos residuos

O destino final dos residuos admitidos polo Punto Limpo será xestionado polo Concello segundo indique a lexislación vixente e da forma máis axeitada dependendo da natureza dos residuos. O destino final dos residuos poderá ser modificado polo Concello sempre que con iso se melloraren as condicións de reciclaxe e/ou de tratamento.

O Concello poderá autorizar discrecionalmente a retirada de material do Punto Limpo, sometendo a autorización ás condicións que estime oportunas. O Concello non garante a seguranza nin a salubridade do produto retirado así como a súa idoneidade para o uso desexado, polo que se exime de calquera responsabilidade que puidese xerarse.

Os residuos tóxicos e perigosos cederanse a un xestor autorizado, logo do documento de aceptación deles. O transporte dos residuos tóxicos e perigosos realizarase por un transportista autorizado e inscrito no rexistro de transportistas de residuos perigosos.

Artigo 11. De protección do Punto Limpo

O uso indebido das instalacións, os actos que causen danos ás infraestruturas, ao mobiliario e ás instalacións e o abandono de residuos na entrada do Punto Limpo sancionaranse de acordo coa lexislación vixente en materia de residuos e de protección os bens municipais. Ademais, os custos de



Concello de Cereda
Avenida do Mesón 21. 15183, Cereda (A Coruña)
Tel.: 981 685 001 - 981 686 068
Fax: 981 685 205

reparación ou de reposición das instalacións ao seu primitivo estado, que puidesen ser necesarios correrán a cargo do infractor.

Disposición adicional

A promulgación futura de normas con rango superior o deste regulamento que afectaren ás materias reguladas determinará que se apliquen automaticamente aquelas e que se adapte posteriormente o regulamento no que for preciso.

Disposición derradeira

O presente regulamento entrará en vigor logo de se publicar integramente o seu texto no Boletín Oficial da Provincia.

Anexo. Residuos e cantidades máximas de recollida no “Punto limpo”

A cantidade de residuos que se poden depositar está limitada, co fin de evitar grandes acumulacións de residuos.

TIPO DE RESIDUOS	MÁXIMO	OBSERVACIÓNS
Aceite de motor	5 litros	Procedentes de vehículos particulares
Aceite vexetal	5 litros	De produción doméstica
Aerosois	3 unidades	De produción doméstica
Baterías	2 unidades	Procedentes de uso particular
Colchóns	1 unidade	De produción doméstica
Electrodomésticos	2 unidades	De produción doméstica
Envases, latas e bricks		De produción doméstica
Escombros	80 kg, mes	Procedentes de obras de domicilios particulares
Fluorescentes	3 unidades	De produción doméstica
Frigoríficos	1 unidade	De produción doméstica
Madeiras	60 kg ou 1 moble de peso sup.	Embalaxes e carpintaría
Metais		Somieres, tubos... de produción doméstica
Computador ou semellante	1 unidade	
PVC		De produción doméstica
Papel ou cartón		De produción doméstica
Pilas		De produción doméstica
Pinturas	5 kg	De produción doméstica
Plásticos		De produción doméstica como envases, bolsas grandes, obxectos...
Radiografías		De produción doméstica
Tóner	2 unidades	
Termómetro	2 unidades	De produción doméstica
Xardinaría	30 kg	Césped, setos arbustos e pequenas podas domésticas